



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Sōkratus Scholastiku Kai Ermeiu Sozomenu Ekklesiastikē  
Istoria**

**Socrates <Scholasticus>**

**Mogvntiae, 1677**

Caput VII.

**urn:nbn:de:hbz:466:1-14233**

nibus locis potestatem habere dicitur Episcopus Alexandriæ. Est autem potestas nomen generale, & ad omnia extenditur, nisi termino aliquo circumscrribatur. Cum igitur Patres Nicenii nullis eam finibus constringerent, id nos temere facere non debemus. Certe Episcopi Synodi Chalcedonensis eo sensu, quem dixi, Nicenom Canonem acceperunt. Ita enim eum referunt in actione decima sexta: *οὐτε ἡ ἀπόνοια ἀπεγράφειας πάντων ἐχειται.* Sed ut omnis tollatur difficultas, videndum est, quidnam juris in Ægypto, Libya & Pentapoli, Alexandrinus Pontifex haberet ante Concilium Nicenum. Nam si ostenderimus, ante illam Synodum Episcopum Alexandriæ omnium Ecclesiasticorum negotiorum potestatem in illis Provinciis habuisse, liquido apparebit, Nicenos Patres in hoc Canone non de sola ordinatione ecclesie, cum nihil ex antiqua consuetudine minuerint, sed eam potius confirmaverint.

## CAPUT VI.

**P**RIMUM igitur teperio, Episcopum Alexandrinum diu ante tempora Concilii Nicenii curam habuisse Pentapooleos. Cum enim Sabellius errorem suum opus Ptolemaïdem urbem Pentapooleos disseminare cœpisset, multique statim ei contradixissent ex Catholicis viris, uterque pars tam Sabellii, quam Catholicorum, Legatos misit ad Dionysium Alexandrinum Episcopum: qui auditis partibus, quid sentiendum esset definitivit, scriptisque ea de re ad Ecclesiam Ptolemaïdis. Docet id Dionysius ipse in epistola ad Xystum Romanæ urbis Episcopum: ejusque verba referuntur ab Eusebio in libro septimo Historie Ecclesiastice. Idem confirmat Athanasius in libro de sententia Dionysii Alexandrini contra Arianos, cuius locum adverlus semetipsum protulit Launois. In Pentapoli superioris Lybia, quidam Episcoporum sententia Sabellii amplectebantur &c. Re cognita Dionysius ad eam curam ea Ecclesia pertinebant, Legatos misit, qui autores harum rerum ab illis pravis opinionibus retraherent. Sed & Libyam ante Concilium Nicenum, sub Alexandrii Pontificis dispositione fuisse docet idem Dionysius in epistola ad Germanum, que refertur ab Eusebio in libro septimo. Nam cum Dionysius relegatus esset in vicum Libyæ Cephron, ait, se illie verbum Dei incolis prædicasse, multosque sua prædicatione conversos fuisse ad fidem Christi. Quod quidem Episcopalis jurisdictionis esse nemo, ut opinor, ambigit. Jam vero Provinciae Thebaides ante Nicenam tempora Alexandrii Episcopo subiacuisse, appet ex Historia Meletii. Qui cum esset Episcopus Lycopolis in Thebaide, & multa contra leges Ecclesiasticas fecisse, adeoque Diis Gentium sacrificias argueretur, collecta Synodo à Petro Alexandrii depositus est, viginti plus minus annis ante Concilium Nicenum, ut scribit Athanasius in Apologia adverlus Arianos. Idem confirmat Epiph-

A nius in hæresi 68. ubi scribit, Meletium illum Thebaides Episcopum, subiacuisse Petro Alexandrii Episcopo, & ad illum Ecclesiastica negotia retulisse, ex more institutoque veteri: *Hic enim mos est, inquit, Alexandrinorum Archi-episcoporum, ut per totam Ægyptum ac Thebaidem, Libyam, Ammoniacam, Mareotidem ac Pentapolim, Ecclesiastica negotia administrarent.* Non igitur solius ordinantis, sed omnium Ecclesiæ negotiorum cura per eas regiones ad Episcopum Alexandriæ pertinebat, idque ante Synodum Nicenam. Quare cum Nicenii Patres antiquas consuetudines in Ægypto firmaverint, apparet eos non de sola ordinatione locutos esse, sed de omnibus negotiis Ecclesiasticis. Omnes certe Ægypti Episcopi ita semper hunc Canonem intellexerunt, quemadmodum dictimus ex Concilio Chalcedonensi, actione 4. ubi Hieracius Episcopus Ægypti, nomine Episcoporum totius Provinciae ita dicit: *De epistola autem sanctissimi & Deo amicissimi Archiepiscopi Romani Leonis, scilicet omnibus sanctissimi Patres nostri, quia in omnibus expectamus sententiam sanctissimi Archiepiscopi; & petimus vestram clementiam expectare praesidis nostri presentiam, quia eum in omnibus sequimur. Nam & S. Patres, qui in Nicaea congregati sunt 318. hanc regulam dederunt, ut sequatur omnis Ægyptiaca Diœcesis Archiepiscopum magna urbis Alexandrina, & nihil absque ipso agatur ab aliquo ei subjacente Episcopo.*

## CAPUT VII.

**A** Bunde, ut opinor, probavimus id, quod initio hujus disputationis polliciti eramus, Canonem sextum Concilii Nicenii de Patriarchis agere, quatenus Patriarchæ sunt; nec de sola ordinatione accipendum esse, sed de omni iure Patriarchico. Nunc ad reliqua pergamus. Sequitur in dicto Canone: *Quia & Episcopo Romano parvus mosest. Græcæ habent: ιπερδικον επι τη φαυη διοικητη τητο συνδικον.* Quæ verba cum sint per se manifestissima, variis tamen multorum expositionib[us] in absurdissimum sensum detorta sunt. Nos verbis ipsis inhaerentes, sententiam Nicenorum Patriarum investigare conabimur. Duas igitur causas decreti sui affuerunt sanctissimi Antistites, quoniamobrem scilicet Episcopus Alexandriæ per Ægyptum, Libyam & Pentapolim, omnimodam habeat potestatem. Prima est, vetus consuetudo illorum locorum. Sic enim dicunt, antiqua consuetudo servetur per Ægyptum &c. Secundam deinde causam affuerunt, exemplum Episcopi Romani. Hanc enim vim habent hæc verba: *ιπερδικον επι &c.* Ubi duo notanda sunt. Primum est, Episcopum Romanum proponi quasi exemplum & normam reliquorum Patriarcharum. Deinde nihil in hoc Canone statui de Episcopo Romano, cum tamen de aliis aliquid statuatur, pura de Alexandrino, Antiocheno, & Hierosolymitano. Recepit ergo Nicolaus Papa in Epistola ad Michaëlem Impre-

ratorem ita scribit: *Denique si instituta Nicæna Synodi diligenter inserviantur, invenerunt profecto, quia Romana Ecclesia nullum eadem Synodus contulit incrementum, sed potius ex ejus forma, quod Alexandrina Ecclesia tribueret particulariter, sumpsit exemplum.* Quod cum verissime dictum sit a Nicolao, Launoius tamen in dissertatione sua reprehendit. Nihil enim Alexandrino Pontifici à Nicæniis Patribus tributum fuisse contendit, idque fere omnibus paginis inculcat. Verum ipse longe fallitur. Nam cum Alexandrini Pontifices ante Concilium Nicænum potestatem, quamvis Ecclesiæ totius Ægypti habebant, sola consuetudine & antiquitate defendenter, Nicæni Patres eam possessionem decreto suo confirmarunt. Multum ergo tribuerunt Alexandrino Pontifici, qui potestatem ejus speciali Canone stabilierunt, ita ut nemo in posterum ei refragari posset. Idem est igitur ac si diceret, cum Senatus Parisiensis possessionem alicujus fundi aut juris uni ex litigantibus adjudicat, nihil illi tribuere. Post Concilium Nicænum Episcopi Alexandrini ex auctoritate universalis Concilii sibi vindicarunt, id quod antea sola consuetudine usurpabant. Jus ergo illorum lanicum est & firmatum à Synodo Nicæna, idque exemplo Episcopi Romani. Id enim sibi voluntaria verba: *Quia & Episcopo urbis Roma parilissimus est.* Idem est enim ac si dicerent, Episcopus Alexandriæ in tota Ægyptio omnem habeat potestatem, quia Episcopi quoque Romani eadem est consuetudo. Quibus verbis Patres Nicæni primatum sedis Romanæ manifeste agnoscunt. Illud enim sine dubio primum est, quod est norma ac regula ceterorum. Hinc factum est, ut in quibusdam antiquis collectionibus Canon inscriptus sit de primatu Ecclesiæ Romanæ. Ita certa sentit Gelasius Papa in epistola ad Orientales de nomine Acacii, pag. 183, his verbis: *Quia enim ratione vel consequentia alius sedibus defendendum est, si prima B. Petri sedis antiqua & vetustare reverentia non defertur, per quam omnium Sacerdotum dignitas semper est laborata atque formata, trecentorumque decem & octo Patrium invicta & singulari judicio vetustissimus judicatus est honor.* Sed & ante Gelasium Bonifacius Papa in epist. ad Episcopos Thessaliz idem obseruat, ita dicens: *Nicæna Synodi non aliud praecpta testantur: adeo ut non aliquid super eo ausa sit constitvere, cum videret nihil super meritum suum posse conferriri.* Omnia denique hinc novaverat Dominus sermone concessa &c. Verum hic primatus multo apertius stabilitus est in Synodo Constantinopolitana, quæ præcepit ut Episcopus Constantinopoleos secundum locum haberet post Episcopum Romanum.

Illud præterea notandum est, Nicænos Patres, qui Episcopi Alexandrini diœcesin definierant, Episcopi Romanum non definitissimè. Quod prudenter ob illis factum est. Nam cum ea Synodus forte tantum ex Orientalibus constaret Episcopis, & ad Orientis atque Ægypti negotia ordinanda tantum esset congregata, de Romana diœcesi nihil decrevit: sive quod ejus terminos non satis

A cognosceret, sive quod nihil ad se & ad presentem questionem hoc facere existimat. Porro cum Patres Synodi Nicæna, potestatem quam habebat Alexandrinus Pontifex per totam Ægyptiacam diœcesin, comparent cum ea potestate, quam habebat Romanus Pontifex, omnino intellecterunt potestatem, quam habet Episcopus Romanus in sua diœcesi. Ultraque enim ex aequo sibi respondere debent: & sicut Alexandrinus componitur cum Romano, ita diœcesis conferenda est cum diœcesi. Alioqui inepta & imperfecta esset comparatio, si de Alexandrino quidem Pontifice loquentes Episcopi, universam ejus diœcesin seu Patriarchatum comprehendarent: de Romano vero Pontifice non item, sed solam ejus Provinciam Romanam intelligent, quod est absurdissimum. Comparantigitur Nicæni Patres & Episcopum Episcopo, & Diœcesin Diœcesi, & potestatem potestati, & consuetudinem consuetudini: consuetudinem scilicet regionum Ægypti, consuetudini Diœceseos Romanæ. Juxta has regulas intelligenda est expositio Rufini, qui hunc Canonem ita interpretatus est. *Ut apud Alexandriam & in urbe Roma vetusta consuetudo servetur, ut vel ille Ægypti, vel hic suburbicariorum Ecclesiarum consuetudinem gerat.* Per suberbicarias enim Ecclesiæ intelligit Rufinus eas, quæ sunt sub Episcopo urbis Romæ. Nam suberbicariæ Ecclesiæ eodem modo dicuntur, quo suberbicariæ Provinciae. Ut ergo suberbicariæ Provinciae appellantur, quæ erant sub vicario Urbis Romæ, sic Ecclesia suberbicariæ dicuntur à Rufino, quæcumque subjacebant Episcopo urbis Romæ. Et quemadmodum Provinciae suberbicariæ peculiarem constituebant Diœcesis vicarii urbis Romæ, ita Ecclesiæ suberbicariæ Diœcesis constituant Episcopi Romani. Verum qui fuerint termini hujus Diœceseos temporibus Concilii Nicæni, haud facile fuerit affirmare. Tuttissimum tamen mihi videtur, lequæ sententiam Græcorum Interpretum, qui Romano Patriarchæ universum Occidentem adscribunt, licet id Romanis displiceat. Certè Patres, qui Arelateni Concilio interfuerunt, Patriarchatum Episcopi Romani non aliter vindicatur accipisse. Sic enim loquuntur in epistola Synodica, quam ad Silvestrum Papam scripserunt: *Placuit etiam, antequam à te, qui maiores Diœceses tenuis, per te porissimum omnibus insinuari.* Quæ sunt enim illæ maiores Diœceses, quas Romanus Episcopus tenere dicitur, nisi Occidentis Provinciae. Quæ si cum Alexandrino vel Antiocheno Patriarchatu comparentur, longe maiores & ampliores esse deprehenduntur.

#### CAPUT VIII.

**E**xposito Canone Concilii Nicæni, jam teritus est, ut argumenta, quibus Joannes Launoius sententiam suam firmare nititur, paucis refellamus. Ait igitur Launoius temeritatem Meletii causam huic Canoni præbuisse. Nam cum